

որի մասին ծերերն ասում էին, թէ Լալա փաշան ումբրով է կործանել: Այլևս համբերութիւնս հատած՝ ցանկանում էի ժամ առաջ Արղանուչ հասնել: Ինձ Կարսում պատմել էին, որ պապիս-պապը Խաչատուր Կարազեօզեանը Դաւիթ Բէգի խժոժութիւնների ժամանակ թողել էր Ղարաբաղը, գաղթել էր Կլարջէթի Սոլիան գիւղը 1725 թ. շէնցրել ու ապրել: Ապա երբ երկու մեծ որդիքը Արղանուչի գիւղերից երկու Իսլամ աղջիկ էին փախցրել եւ ամբողջ դաւառի մոլլաների հալածանքին էին մատնւել, իսլամացել էին, հաստատուել Սոլիանում. պապիս-պապը հաւաքել էր մնացածներին, կին, աղջիկ ու տղայ, դնացել, հաստատուել էր Արղանուչում: Այստեղ եօթնամեայ տղային՝ Լեւոնին մկրտելիս, վերջինս տաշտից փախչում է արարողութեան ժամանակ, որով Արղանուչցիները անւանել էին — Տաշտից փախչողենց տունը — (թէքնէդէն կաշան): Այս մտքերով ալէծուսի հասանք Մէյդան-Արղանուչի ստորոտում մեր ջաղացքը: Կեանքիս մէջ առաջին անգամ մեր թթնոցում թութ թափեցին, ժողովեցի ու կերայ: Ապա բարձրացանք սոսկալի դառիվերը, հասանք աւանի բեզենիս (պարիսպ) եւ բերդի երկաթէ դռնով ներս մտանք Արղանուչ:

Կարսի եւ Արղանուչի մեր տների դանազանութիւնը խիստ նկատելի էր, չտեսած-